



**Broj: 01- 97 /13**  
**Vareš, 27.03. 2013.godine**

Na osnovu člana 2. Zakona o osnovama bezbjednosti saobraćaja na putevima u Bosni i Hercegovini („Službeni glasnik BiH“, broj: 6/06, 75/06, 44/07, 84/09 i 48/10) i člana 22. tačka 2. Statuta Općine Vareš-Prečišćeni tekst, broj: 01-162/12 od 11.09.2012. godine, Općinsko vijeće Vareš, na 6. sjednici održanoj 27.03. 2013. godine, d o n o s i

**O D L U K U**  
**o izmjenama i dopuni Odluke o bezbjednosti saobraćaja na cestama**

**Član 1.**

U Odluci o bezbjednosti saobraćaja na cestama-Prečišćeni tekst, broj: 01-161/12 od 11.09.2012. godine, član 7. mijenja se i glasi:

**„Član 7.**

Dijelom ulice Zvijezda ispred MSŠ“NORD BAT 2“i dijelom ulice Franjići dozvoljen je saobraćaj u jednom smjeru, odnosno obavezan smjer od Općine, pored srednje škole do spajanja sa ulicom Put mira.“

**Član 2.**

Iza člana 8d. dodaje se novi član 8e. koji glasi:

**„Član 8e.**

U dijelu ulice Put mira, prema zgradi „Kula B“, zabranjeno je zaustavljanje i parkiranje motornih vozila.“

**Član 3.**

U članu 38. broj „10“ zamjenjuje se brojem „40“

**Član 4.**

U članu 39. broj „20“ zamjenjuje se brojem „40“

**Član 5.**

Ova Odluka stupa na snagu osmog dana od dana objavljivanja na oglasnoj tabli Općine Vareš.

**PREDSJEDAVAJUĆI**  
**OPĆINSKOG VIJEĆA**

**Zdravko Marošević**

Odluka objavljena na oglasnoj tabli Općine Vareš 28.03.2013. godine.

**OPĆINSKI NAČELNIK**

**Kovačević Avdija,dipl.pravnik**

## **Obrazloženje Odluke o izmjenama i dopuni Odluke o bezbjednosti saobraćaja na cestama**

Pravni osnov za donošenje ove Odluke sadržan je u članu 2. Zakona o osnovama bezbjednosti saobraćaja na putevima u Bosni i Hercegovini („Službeni glasnik BiH“, br. 6/06, 75/06, 44/07, 84/09 i 48/10) kojim je propisano da:“ Organi Bosne i Hercegovine, entitetski i kantonalni organi i organi Brčko Distrikta Bosne i Hercegovine i organi lokalne samouprave i lokalne uprave u gradovima i općinama (u daljnjem tekstu: nadležni organi) osigurat će provođenje ovog Zakona i u okviru svoje nadležnosti donositi propise i preduzimati druge potrebne mjere za njegovo dosljedno provođenje.“

Policajska stanica Vareš svojim dopisom br.08-03/11-2-04-4-610/13 od 07.03.2013. godine se obratila sa zahtjevom za regulisanje saobraćaja ispred srednje škole te prema zgradi „Kula B“ kao i da se usklade kaznene odredbe sa važećim zakonskim propisima.

Takođe su i stanari „Kule B“ svojim zahtjevom od 06.02.2013. godine tražili postavljanje saobraćajnog znaka kojim bi se zabranilo parkiranje na izgrađenom prilazu zgradi kojim bi se omogućio nesmetan prilaz zgradi.

Obzirom da je urađen pristup do zgrada „Kula B“ u ulici Put Mira, koji omogućava pristup motornim vozilima, potrebno je postaviti znak zabrane zaustavljanja i parkiranja motornih vozila radi nesmetanog prilaza zgradi „Kula B“

Takođe je bilo potrebno uskladiti i visinu novčanih kazni u kaznenim odredbama sa zakonom o osnovama bezbjednosti saobraćaja na putevima u BiH

Za provođenje ove Odluke potrebno je izdvojiti finansijska sredstva iz budžetu za nabavku i postavljanje potrebnih saobraćajnih znakova te se predlaže Općinskom vijeću da usvoji istu u predloženom tekstu.

**PREDLAGAČ  
OPĆINSKI NAČELNIK  
Kovačević Avdija,dipl.pravnik**